

Ecclesiam. Audio autem Augustæ de eo oppido crudeliter expugnato, mendacem narrationem Jesuiticam prodiisse. (b) Nostri, ut arbitror, non ut nebulonibus respondeant, sed ut piis magistratibus demonstrent, se sociis succurisse, historiam edituri sunt. Fatendum est, quum forti dextra, oppidum, ut novisti populosum & munitum esset occupandum & seditiose comprimendi, a mercenariis seditiosorum civibus Mülhusenis (horum fuerunt non plures 25.) & nostris Bas. Tigurinis, Bernensibus, Schafusianis, occupuisse circiter 430. non in ipso tantum conflictu sed & post conflictum: Saucii enim plurimi fuerunt. Nostri Basileenses bene de ipsis mereri student. Vive & Vale in Christo: & saluta communes amicos. Basileæ d. 6. Augusti 1587.

EPISTOLA L.

S Quum sciam, Vir Clar. piis omnia, etiam adversa, adjumento esse ad bonum: nec dubitem patriam tuam hospitium esse Ecclesiæ Dei, Reipubl. studiorum honestissimorum,

(b) confer hac de re Abr. Sculteti Annales Evangel. & *Münsterum* in nova editione, & quæ infra de recrudescente hac seditione dicentur.